

## Lezion 1

# LINIIS DI STORIE SOCIÂL E ECONOMICHE DAL FRIÛL TRA 1500 E 1800

a cure dal prof. Adrian Cescje  
-2006 -



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : PRESENTAZION

O vin di definî:

- ➔ la forme di produzion feudâl;
- ➔ la forme di produzion capitalistiche;
- ➔ la forme di produzion semifeudâl e la forme di produzion capitalistiche marcantîl;
- ➔ la forme di produzion capitalistiche industriâl.



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : FORME DI PRODUZION FEUDÂL

### Produzion di base

La produzion di base e je agricule-contadine

### Forme juridiche de produzion

Il lavôr uman pe produzion al è organizât di un *siôr* traviers formis contratuâls di oblics di prestazion di vore direte sui siei fonts, definidis dal dirit consuetudinari che a rivin fin aes limitacions de libertât personâl di spostament, e indirete, cu la consegne di cuotis de raccolte

### Mieçs/struments di produzion e di lavôr

I struments di produzion a son elementârs, la energjie doprade e je umane e animâl; e inalore la produtivitât dal lavôr e dipent cuasi dute dal lavôr dal om.

# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : FORME DI PRODUZION FEUDÂL

### Apropriazion de produzion

La societât contadine e vîf de cuote di produzion che e reste, che e je di autoconsum, e la plui part des voltis no baste. Il contadin al rive cun fadie e no simpri al marcjât locâl, par cjoli bens di produzion artesanâl locâl rudimentâi, di necessitât strete. Nol à capitâl monetari.

La societât signorîl e dopre il *surplus* de produzion pe sô cort e pai siei armâts. In timps favorevui, e rive ai marcjâts regjonâi dai prodots di valôr di lungje distance. E vent il surplus ma i reste un capitâl monetari limitât, che e dopre pal so autoconsum.

### Marcjât

Il marcjât al è limitât e static.

### Capitâl

Il capitâl de societât feudâl nol è sufficient pal investiment, ven a stâi pe sô trasformazion in altri lavôr uman e in mieçs di produzion midiant monede, par mantignî une produzion che si realizi in monede traviars il marcjât.

CARATERISTICHE  
DE FORME DI PRODUZION FEUDÂL  
E JE  
LA CICLICITÂT STATICHE DAL CAPITÂL.

# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : FORME DI PRODUZION CAPITALISTICHE

### Produzion di base

La produzion di base e pues sei agricole o di manufature.

### Forme juridiche de produzion

Il lavôr uman al è organizât di un possessôr di capitâl traviers formis contratuâls libaris, che no vuelin limitacions de libertât personâl, cu la cession dome dal lavôr dal operari fissât dal contrat, parcè che la risultance de produzion e je simpri dal capitalist e no passe pal produtôr-operari. La cuote feudâl e devente surplus di lavôr, ven a stâi lavôr no paiât rispjet a chel paiât in salari e che al corispuint al mantigniment dal operari (lavôr necessari).

### Mieçs/struments di produzion

I struments de produzion a puedin sei sempliçs o complès e potents, la energjie e pues sei umane e animâl, ma ancje chê termiche o eletriche par motôrs termics o eletrics. Cu la produzion capitalistiche i struments di produzion a moltiplichin la produtivitât dal lavôr uman, e a gjenerin surplus.



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : FORME DI PRODUZION CAPITALISTICHE

### Apropriazion de produzion

La societât dai produtôrs, i operaris, no vendin ma a comprin simpri di plui intun marcjât che al incrès simpri di plui la sô ufierte.

I possessôrs di capitâl a scugnin vendi par jentrâ des spesis e incressi il capitâl iniziâl.

### Marcjât

Il marcjât al è in expansion cualitative e quantitative.

### Capitâl

Il capitâl al è sufficient pal invistiment, ven a stâi pe sô trasformazion in lavôr uman, in materie prime e in mieçs di produzion midiant monede, par dâ une produzion che si realize in monede travers il marcjât, di quantitât plui alte di chê dal invistiment, il profit, che al corispuint al lavôr necessari o lavôr di surplus dât dal operari e no paiât.

CARATERISTICHE  
DE FORME DI PRODUZION CAPITALISTICHE  
E JE  
LA CICLICITÂT ESPANSIVE DAL CAPITÂL.



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : FORME DI PRODUZION SEMIFEUDÂL

Te forme di produzion semifeudâl si presentin te produzion agricole-contadine cence limitazions juridichis di libertât personâl formis contratuâls di prelevament di cuotis de raccolte formis contratuâls di prestazion di voris dongje di formis di prelevament di cuotis de raccolte cence invistiment di capitâl pe produzion agricole-contadine par vendite a marcjât dal surplus par scambi cun produzion artesanâl vicine o lontane par scambi cun produzion coloniâl



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : FORME DI PRODUZION SEMICAPITALISTICHE

Te forme di produzion semicapitalistiche si presentin formis di produzion capitalistiche marcantîl o industriâl dongje di formis di produzion servîl, feudâl o semifeudâl.



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : FORME DI PRODUZION PRECAPITALISTICHE CAPITALISTICHE MARCANTÎL

Te forme di produzion precapitalistiche si presentin formis di produzion feudâl o semifeudâl e formis di produzion capitalistiche cun capitâl invistît in mieçs pal cumierç, di trasport e di distribuzion ancje a lungje distance e no di produzion, che e reste primitive.


E je la forme di produzion capitalistiche cun investiment di capitâl ancje e massime tai mieçs di produzion, che a deventin simpri plui potents e a fasin il lavôr simpri plui produtîf, e te ricercje e aplicazion dal savê tecnologjic.

La organizazion dal lavôr e domande la manufature in fabbriche.

# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : SCHEME DI SUNTE


Produzion...



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : SCHEME DES PUSSIBILITÂTS DAL CAPITÂL

### Produzion capitalistiche



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : STADIS DAL SVILUP CAPITALISTIC DAÛR W.W. ROSTOW

Si presente chenti une classificazion de evoluzion capitalistiche industriâl par stadis proponude dal storic inglês W.W. Rostow.

La classificazion e covente par verificâ daûr chê la evoluzion de economie e de societât furlane dilunc i secui.

### Prin stadi

Il prin stadi al è chel de societât tradizionâl dulà che “la strutture si è svilupade dentri di funzions produtivis limitadis, fondade sience prenewtoniane e cuntun relacionament prenewtonian viers il mont esterni. In cheste suaze la produtivitât e risulte une vore basse, la inovazion sociâl e tecniche cuasi inesistente, il mudament dut afat inesistent. Stant che la agriculture e je la uniche forme di sostentament, il ritmi di cressite de popolazion al sta bas a cause de produtivitât agricule basse e al dipent ad in plen de ande des racueltis, des epidemiis e des carestiis”

# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : STADIS DAL SVILUP CAPITALISTIC DAÛR W.W. ROSTOW

Si presente chenti une classificazion de evoluzion capitalistiche industriâl par stadis proponude dal storic inglês W.W. Rostow.

### Secont stadi

“Ta chest stadi si formin cundizions di mudament: te **sfere culturâl**, e nas une mentalitât scientifiche e individualistiche, pragmatiche, compagnade de idee di progrès; te **sfere politiche**, si formin marcjâts nazionâi, ven a stâi plui larcs di un teritori regjonâl, cun guviers che a stimin che la potence politiche di un stât e dipendi de potence economiche, che e sta tal svilup de imprese; te **sfere sociâl**, e nas une classe sociâl che e stime motîf di jevadure sociâl il sucès di imprese; de **sfere economiche**, cun tas di invistiment che al passe il 10% dal redit gjenerâl, cu la produzion che e sta denant de cressite demografiche; cu la introduzion di inovacions in agriculture che e incrès la produzion; cun aument di capitâl circolant e la presince di un sisteme bancjari; cuntun bon sisteme di comunicazion.

Lis fuarcis produtivis a produsin formis di produzion moderne in forme isolate e precarie.”



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : STADIS DAL SVILUP CAPITALISTIC DAÛR W.W. ROSTOW

Si presente chenti une classificazion de evoluzion capitalistiche industriâl par stadis proponude dal storic inglês W.W. Rostow.

### Tierç stadi

“E je la fase de *jevade* (take off), la rivoluzion industriâl vere. Lis fuarcis produtivis a dominin la societât, le cjapin dentri interie e in forme difondude, il svilup al devente cundizion stabile e normâl.

Par solit a bastin 10 o 20 agns dome par mudâ la strutture sociâl e economiche di dute la societât une volte che la forme di produzion industriâl e je *jevade*.”

### Cuart stadi

“E je la fase di maturitât. “O podìn definî di maturitât chel stadi che une economie e mostre di sei buine di lâ oltri lis industriis che in origjin a potenziarin la sô jecade e di assorbî e aplicâ cun risultance i prodots plui avanzâts de tecnologjie moderne [...]” Si trate de fase che un paîs al dimostre di “vê la capacitât tecniche e imprenditoriâl di produsi no cualsisei robe, ma ogni robe che al decidi di produsi”.

Chest stadi si lu rive par solit in 40, 60 agns daspò de *jevade*.”

# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : STADIS DAL SVILUP CAPITALISTIC DAÛR W.W. ROSTOW

Si presente chenti une classificazion de evoluzion capitalistiche industriâl par stadis proponude dal storic inglês W.W. Rostow.

### Cuint stadi

“Al è il stadi dal grant consum di masse. “I setôrs vuide si indrecin viers i bens di consum durevul e i servizis; il redit pro capite al cres al pont di permeti a une masse grande di citadins di rivâ a bens di consum che a van sore de bisugne normâl di mangjâ, sotetâsi e vistîsi; i lavoradôrs ocupâts te industrie e tai servizis a deventin la maiorance bondante de popolazion”.



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : CUNDIZIONS DAL SVILUP CAPITALISTIC

Lis cundizions di une jevade industriâl autoctone (*tierç stadi di Rostow*) a son:

1. Lavoranzie bondante e disponibile, a bon presi;
2. Acumulazion capitalistiche locâl suficiente:
  - 2.1 Capitâi privâts suficients e disponibilii par un investiment libar di concorence;
  - 2.2 Capitâi suficients par rezi la concorence e i mudaments di marcjât;
3. Marcjât locâl disponibil (in cundizion di comprâ) e marcjâts a plui lungje distance disponibilii;
4. Culture disponibile al risi di imprese e aes ativitâts che a puartin ae vendite di marcjât;
5. Cundizions politichis di relative sigurece dal teritori, libar di destinazions incompatibilis cu la economie di investiment;
6. Presince di viis di comunicazion che a unissin il teritori in forme vualive pe distribuzion de marcjanzie: stradis, canalizazion e feradis.



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : CUNDIZIONS DAL SVILUP CAPITALISTIC

### 1. Lavoranzie bondante e disponibile, a bon presi

La lavoranzie disponibile e je chê che no à leaduris juridichis personâls feudâls o semif feudâls cun proprietaris di terens. La lavoranzie disponibile bondante e jê chê che e coste pôc a pet di chê che no je bondante o no je disponibile.



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : CUNDIZIONS DAL SVILUP CAPITALISTIC

### 2. Acumulazion capitalistiche locâl suficiente

Ogni imprese e à bisugne di un capitâl di invistiment sufficient. Il capitâl di invistiment al pues sei di un sôl invistidôr o di plui che a fasin societât. Dut câs al è impuartant che al sei un sisteme di racuelte dal sparagn locâl piçul che al permeti aes bancjis il prestit dal capitâl che al mancje e al covente e al è impuartant che a sein tancj risparmiadôrs.

#### 2.2 Capitâi privâts suficientes e disponibii par un invistiment libar di concorence

Al sucêt che par cierts prodots e sei une vore di domande rispiet ae cuantitât e ae cualitât de produzion: la concorence tra impresis no je o e je par une dade di timp limitade e scjarse

#### 2.3 Capitâi suficientes par rezi la concorence e i mudaments di marcjât

Al sucêt che la concorence e produsi plui ufierte che domande: e vent la imprese che e sbasse i presis di vendite, e che e rive a produsi sbassant i coscj di produzion o paiant paiis bassis o fasint invistiment di ristrutturazion sui mieçs di lavôr e su la organizazion de imprese che a rivin a sbassâ i coscj di produzion; al covente un soreplui di disponibilitât di capitâl pal invistiment di ristrutturazion a ogni crisi cicliche di marcjât.



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : CUNDIZIONS DAL SVILUP CAPITALISTIC

### 3. Marcjât locâl dispunibil (in cundizions di comprâ) e marcjâts a plui lungje distance dispunibii

Un invistidôr al met sù imprese se al sa di vendi, e la dispunibilitât a comprâ si le viôt prin di altri te situazion locâl. La dispunibilitât a comprâ e dipent de dispunibilitât economiche des fameis, che a àn di vê, dongje dal necessari par vivi, un surplus par comprâ par vivi miôr. Par vendi sui marcjâts a distance plui lungje l'invistidôr al à di savê che a esistin e che si puedin rivâ. Se al invistis localmentri par vendi lontan, al vûl dî che localmentri al dispon di capitâl so e di dispunibilitât locâl di capitâl, e al dispon ancje di lavoranzie locâl a bon presi.



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : CUNDIZIONS DAL SVILUP CAPITALISTIC

### 4. Culture disponibile al risi di imprese e aes ativitâts che a puartin ae vendite di marcjât

Par culture di imprese si intint une disponibilitât e une capacitât a fâ imprese, a riscjâ l'investiment cuant che lis cundizions fevorevulis a esistin. La culture e nas de cognossince di esemplis di sucès e de assence di cundizions che a favorissin la rendite tradizionâl o a risi bas.



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : CUNDIZIONS DAL SVILUP CAPITALISTIC

### 5. Cundizions politichis di relative sigurece dal teritori, libar di destinazions incompatibilis cu la economie di invistiment

Teritoris che a àn potenzialitâts di invistiment par une economie di imprese a puedin sei malsigûrs par cundizions gjeopolitichis, e inalore al risi ordenari di invistiment si zonte chel de situazion gjeopolitiche, che no lu favoris.





# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : CUNDIZIONS DAL SVILUP CAPITALISTIC

### 6. Presince di viis di comuncazion che a unissin il teritori in forme vualive pe distribuzion de marcjanzie: stradis, canalizacion e feradis

Il prodot de industrie al va vendût. I marcjâts a son fats di ponts di vendite, che a àn di sei unîts di viis di comunicazion vualivis, che a tegin bas i coscj di produzion. Lis viis di comunicazion a son precundizions decisivis di un decol industriâl.



# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : NOTE DIDATICHE - DOMANDIS

? **DOMANDE:** Pe storie economiche e sociâl dal Friûl, ce domandis vino di fâsi?

✓ **RISPUESTE:** Domandis relativis a:

➤ Bisugnis

- ⊕ Cemût si manifestie la pussibilitât di sodisfazion des bisugnis primariis?
- ⊕ Ce pussibilitât di reidit familiâr esistino?
- ⊕ Cuale ise la ande demografiche in Friûl?
- ⊕ Cuale ise la sodisfazion de domande di lavôr?

# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : NOTE DIDATICHE - DOMANDIS

? **DOMANDE:** Pe storie economiche e sociâl dal Friûl, ce domandis vino di fâsi?

✓ **RISPUESTE:** Domandis relativis a:

➤ Rapuarts di produzion

- ⊕ Cuant si minorizino o si abroghino lis formis juridichis di dipendence feudâl personâl?
- ⊕ Cuant si minorizino e scomparissino i rapuarts di produzion semifeudâi?
- ⊕ Cuant comparissino i rapuarts di produzion precapitalistics?
- ⊕ Esistino cundizions di acumulazion cpitalistiche?
- ⊕ Cuant prevalino o diventino impuartants i rapuarts di produzion capitalistics industriâi (*tierç stadi di Rostow*)?

# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : NOTE DIDATICHE - DOMANDIS

? **DOMANDE:** Pe storie economiche e sociâl dal Friûl, ce domandis vino di fâsi?

✓ **RISPUESTE:** Domandis relativis a:

➤ Classis sociâls e societât

- ⊕ Cuale ise la composizion di classe furlane tai diviers teritoris dal Friûl?
- ⊕ Cuâi sono i mistîrs e lis professions dai lavoradôrs furlans?
- ⊕ Ce caratars aie la emigrazion furlane?

# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 1 : NOTE DIDATICHE - DOMANDIS

? **DOMANDE:** Pe storie economiche e sociâl dal Friûl, ce domandis vino di fâsi?

✓ **RISPUESTE:** Domandis relativis a:

➤ Culture

- ⊕ Cuant e cemût comparissie une culture di imprese?
- ⊕ Cualis sono lis resistencis culturâls de tradizion?